

WASAARADDA WAXBARASHADA HIDDAHA  
IYO TACLIINTA SARE

IMTIXAANKA FASALKA 4AAD. 2022

AF-SOOMAALI



XAFIISKA IMTIXAANKA IYO SHAHAADADA



MAAJO / JUUNYO 2022

**MAADDU: AF-SOOMALI**

WAQTI: 2 SAACADOOD

**FADLAN JAWAABAHA KU QOR BUUGGA JAWAABAHA:**

QAYBTA 1AAD: goobogeli	( 30 dhibcood)
QAYBTA 2AAD: erayo	( 20 dhibcood)
QAYBTA 3AAD: suugaan	(37 dhibcood)
QAYBTA 4AAD: curis	( 13 dhibcood)

**ASTAAMAHA QORAALKA**

Astaamaha qoraalku waa Calaamado loo adeegsado kala hagidda iyo hormogelinta qoraalka, waxayna ka ilaaliyaan in macnuhu is Baddelo ama qoraalku isku dhexyaaco. Astaan walbana waxa ay leedahay howl u gaar ah iyo boos ay buuxiso. Haddii iyaga laftirkooda si qaldan loo adeegsadaana waaba ka dar oo dibi dhal.

Dhammaan afafka qoran oo dhami way ka simanyihiin cilmiga astaameynta, waloow ay ku kala gedisanyihiin xagga tirada iyo adeegsigaba. Afsoomaaliguna waxa uu ka mid yahay afafka qoran ee loo adeegsado astamaha.

Astaamaha qoraalka waxaa kamid ah: Hakadka(.): Qofku marka uu hadlaayo iskama wado uun hadalka ee wuu neefsada ama ku nastaa, neefsigaasina waxa uu la micno yahay hakadka oo ah astaan la isticmaalo marka hadalku isku xiranyahay macno ahaan balse kala go' soo dhex galo. Sidoo kale waxaa loo adeegsadaa kala saaridda erayo ama magacyo isku taxan. Tusaale: Dhammaan ardayda, Bareyaasha iyo Waalidiinta waxaa la ogaysiinayaa in.....

Joogsiga(.): Wax kasta oo dhaqaaq sameeyaa ugu dambayn wuu joogsadaa haddaba si uu u muujiyo in la gaaray bardhamaadkii micno buuxana uu sameeyey hadalkii waxaa la adeegsadaa astaanta joogsiga. Joogsiga dabadii waxaa bilaabma sadar cusub ama tuduc hor leh, waana in qoraalkaasi ama sadarkaasi cusub xarafweyn lagu bilaabo.

Hakadjoogsi(.) hakadjoogsigu waxa uu ka agdhowyahay hakadka balse wuu ka xeel dheeryahay, waxaana loo adeegsadaa sharraxaada iyo sababaynta, waxaa kale oo loo isticmaalaa kala saaridda laba weedhood oo kala madax bannaan laakiin isku sidkan.

Astaanta wardhowr(.) astaanta wardhawrta waxaa lagu muujiyaa hadal soo socdo ama qeexidda walxaha. Tusaale: Astaamaha Qoraalka waxaa Kamid ah: Hakadka, Joogsiga IWM. Sidoo kale waxaa loo isticmaalaa kala saaridda waqtiga. Tusaale: Saacadu waa 04:25. Waxaa kale oo iyana loo adeegsadaa Muujinta Saamiyada: Tusaale: isku aadka Buugaagta iyo ardeyda waa 1:5 (Hal ku shan).



Astaanta Xigasho (") astaanta xigashada waxaa loo adeegsada muujinta hadal qof kale leeyah werintiisa. Tusaale: Wasiirku waxa uu Yiri "Dalku wuu horumaray". Waxa ay ka mid tahay farsamo lagu ilaaliyo xuquuqda qoraalka.

Weydiin(?) astaanta weydiinta, waxaa loo isticmaalaa wax weydiinta. Tusaale: Yaa qoray qoraalkan?

Layaab(!) astaanta layaabka waxaa loo adeegsadaa layaabka, Argagaxa iyo ladhacsanaanta.

Alla! waa libaax. Alla! Buug khatar ah baad soo gadat Ee.

Jiitin gaaban(-) astaanta jiitin gaaban waxaa loo adeegsadaa erayada lammaan.

Jiitin dheer( ) kala saaridda qeybaha weedha iyo meel banaanaynta .

Gudub ama janjeedh (/) waxaa loo adeegsadaa muujinta erayo isku macno ah sida Baabuur/Gaari.

sidoo kale kala saarida taariikha ee sanadka , bilaha iyo ayaamaha sida: 28/09/2015. Hamsa (') hamsada waxa loo isticmaalaa kal goynta erayga ay isku xigaan saddex shaqal k sida: Go'aan, La'aan. Bilaha ama qaws ( ) qaws waxaa loo adeegsadaa sharrixida iyo muujinta wax isu dhigma. Tusaale: Aqalgal (Aroos)

Astaamahaasi iyo kuwa kale oo badanba waxay micno u yeelaan oo naashnaashaan ama bilaan qoraalka, la'aantoodna hadalku waxa uu noqon lahaa raashin qalalan oo iidaan (Suugo) la'aan ah, waana lagu mergan/saxan oo qofka kama dagayo.

Sidaasi daraadeed waxaa inala gudboon inaan ku baraarugsanaano oo aynaynu marnaba ilaawin ahmiyadda ay leeyihiin astaamuhu.

## QAYBTA 1AAD: GOOBOGELI (30 dhibcood)

1. Astaamaha qoraalku waa calaamad loo adeegsado:

B. Gaabinta qoraalka      T. Kala saarida qoraalka      J. Kala hagidda qoraalka      X. Qurxinta qoraalka

2. Haddii si khalidan loo adeegsado waxa ay noqonaa:

B. Ka dar oo dibi dhal      T. Murti      J. Jahawareer      X. Dhibaato

3. Dhammaan afafka qorani way ku kala:

B. Fiican yihiin      T. Hodansan yihiin      J. Badanyihiin      X. Duwan yihiin

4. Hakadku waxa uu gala weedha:

B. Dhammaadkeeda      T. Bilowgeeda      J. Dhexdeeda      X. Intaba

5. Hakadka waxa loo adeegsadaa marka hadalku :

B. Isku xiranyahay      T. Kala go'anyahay      J. Gaabanyahay      X. Fududyahay

6. Hakadka waxa kale oo loo adeegsadaa:

B. Isku darka magacyada      T. Kala hor marinta      J. Soo gaabinta      X. Muujinta

7. Astaanta joogsiga waxa loo adeegsadaa in hadalku:

B. Socdo                      T. Dheeraaday                      J. Idlaaday                      X. Koobmay

8. Joogsiga dabadii qoraalka waxaa lagu bilaabaa:

B. Xaraf wayn                      T. Xaraf yar                      J. Astaan                      X. Intaba

9. Hakad joogsiga waxaa loo adeegsadaa kala saarida laba:

B. Cashar                      T. Weedhood                      J. Magac                      X. Eray

10. Astaanta wardhawr waxaa lagu muujiyaa:

B. Wax dhammaaday                      T. Wax soo socda                      J. Wax cusub                      X. Wax socda

11. Astaanta xigasho waxaa loo adeegsadaa:

B. Hadal qof kale                      T. Hadalkaaga                      J. Hadal tagay                      X. Hadal socda

12. Astaanta la yaabka waxaa loo adeegsadaa:

B. Murugada                      T. Argagaxa                      J. Dhammaadka                      X. Xasuusta

13. Jiitin gaaban waxaa loo adeegsadaa erayada:

B. Dhaadheer                      T. Gaagaaban                      J. Lammaan                      X. Isku macnaha ah

14. Astaanta janjeedh ama gudub waxaa loo adeegsadaa erayada isku:

B. Macnaha ah                      T. Lidka ah                      J. Isku lammaan ah                      X. Intaba

15. Astaamaha la'aantood qoraalku waxa uu noqon:

B. Cashar                      T. Raashin qaalalan                      J. Gabay                      X. Intaba

## QAYBTA 2AAD: ERAYO (20 dhibcodd)

U baddel erayadan kalida ah wadar (10 dhibcodd)

16.	Kalluun		
17.	Guri		
18.	Macalin		
19.	Qore		
20.	Lug		

Ka soo saar weedhahan falalka ku jira (10 dhibcodd)

21. Xasan waxa uu tagay shalay.

22. Waxa aan qaadnay casharo badan sanadkan.

23. Mar walba waxa aan ku dadaalnaa aqoonta.

24. Macalinku waxa uu diyaarinayaa imtixaankii.

25. Gu'gii hore roob badan ayaa da'ay.



### QAYBTA 3AAD: SUUGAAN (37 dhibcood)

**Iskula doono murtidani sida ay isku leedahay(10 dhibcood)**

26.	Kab xume ma haree		Waa diin darro
27.	Ari jir ma kala		Ayaa isku dad ah
28.	Af wax cunay		Abaal waydo
29.	Ballan darro		Kab laawe ayaa hara
30.	Intii isku dan ah		Xishoo

**Buuxi meelaha bannaan suugaantan soo socota(15 dhibcood)**

31. Allahayow casiisbaa tahay iyo ..... Jira e
32. Adigaan cirriyo ..... cudur ka yaabayne
33. Adigaan ..... guursanayn oon carruur dhaline
34. Adigaa waxaad camal qabtaa.....
35. Hawraarta loo maro murtida hadalka soo koobta hees.....iyo ..... heelo iyo jiifto

**u qor murtidan sida saxda ah( 12 dhibcood)**

**saddex baa rag ugu fiican**

36. Nin ah tolkiis u nacas
37. Nin u shisheeye nacab ah
38. Naag Nin reerkiisa u ah

**Saddex baa qof lagu bartaa**

39. Dagto Inaad la jabad

**QAYBTA 4AAD: CURIS:(13 dhibcood)**

40. Ka qor curis ka kooban ugu yaraan 20 sadar mid ka mid ah mawduucyadan

- Xiriirka ka dhexeeya waxbarashada iyo nabadgelyada
- Suugaanta iyo horumarinta afka

**DHAMMAAD**